



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Petri De Dusburg, Ordinis Teutonici Sacerdotis, Chronicon  
Prussiae**

**Petrus <de Dusburg>**

**Francofurti ; Lipsiae ; Regiom. Pruss., 1679**

Caput XXV. De Adventu Ducis Brunschwich.

**urn:nbn:de:hbz:466:1-11850**

## ANIMADVERSIO.

- (a) Elbingense Exemplar habet Gobotini. Glottinas alii nominant.  
Fid. Weiffel. in Chron. fol. 51. b.

## CAP. XXIV.

De

*Ædificatione Castri Schinkenberg.*

Campum illum in quo Castrum de Belga situm est ambiunt paludes, sic quod tempore æstivali nullus potest transire, nisi per pontem, ante quem Pontem in quodam tumulo ædificaverunt fratres castrum dictum (a) Schinkenberg, locantes in eo plures fratres & quendam Virum Nobilem Hertvvigum patrem (b) Hertvvigi de Pokarvviv & multos alios viros bellicosos qui ingressum infidelibus prohibebant.

## ANIMADVERSIONES.

- (a) Hennebergerus in Commentario ad Tab. Geogr. Pruss. legit Schnesenberg dicitque montem illum etiamnum appellari eodem nomine.  
(b) Hartmann von Pokarvviv habet Herneberg. loc. cit.

## CAPUT XXV.

De

*Adventu Ducis Brunschwich.*

Hoc tempore sicut aqua frigida sitienti & bonus nuncius de terra longinqua: Ita nobis ille DEO devotus illustris (a) Princeps & Dux de Brunshvvig, qui etiam de Luneburg dicebatur, venit cum multitudine copiosa peregrinorum, ad terram

*Hermannus de Saltza IV. Mag. Generalis Ordinis Teut.**Hermannus de Balke I. Magister in Prussia Provincialis.*

Pruschia in subsidium fratribus in gravi necessitatis articulo constitutis.

## ANIMADVERSIO.

(a) Ottohem eum appellat Jeroschinus.

## CAP. XXVI.

*De*  
*Strage Infidelium & Destructione ca-*  
*stri Partigal & propugnaculi.*

DE Castris Pruthenorum predictis quotidiè tot armati processerunt ad bellum, quod praelusa fuit fratribus via ad eundem hostes, & sublata omnis materia impugnandi eos. Super quo fratres perturbati convenerunt sæpius, quærentes in tractatibus suis remedium opportunum. Tandem ipse Christus, qui devotos suos in tribulationibus constitutos non desinit consolari, provocavit gratia sui Spiritus quendam dictum Pommadam Virum Nobilem qui inter Pruthenos quondam magnæ fuerat reputationis, noviter autem conversus ad fidem Christi, & ad fratres, ut sibi negotium fidei & fidelium assumeret in hunc modum. Idem Pommada de castro Balga rediit ad suos (a) compaterotas Pruthenos, simulans se hostem fidei & fidelium, quo viso gavisi sunt Prutheni gaudio magno, quia sperabant omnem Virtutem fratrum per hujus Viri industriam enervare. De consilio itaque hujus Pommadæ, omnes potiores Warmiæ, Nattangia & Brarthæ, & alii ad bellum apti, convenerunt, castraque metati sunt in obsidione Balgæ, sed fratres qui hujusmodi factum & Ordinum diu ante præsciverant, jam cum dicti Principis de Brunshvrig & aliorum Peregrinorum comitiva congregati in armis exierunt ad eos in prælium, & occiderunt ipsos